

SANTA BARBARA'REN MARTIRIYUA

Santa Barbara zure biziota
kantuz biar det zabaldu
argitasun bat memoriyara
naibadidazu bialdu.
Biotza pozaz minganak ere
zerbai itz egindo aldu
ejenplu ori aditu faltan
inor ez dediyen galdu.

Barbara'k zuen aita pagano
jaunaren bildur gabia,
alabak berriz nayago zuan
kristandadeko legia.
Orientalen batayatu zan
izanik umildadia,
orain zeruan gozatzen dago
bere eternidadia.

Bularrak moztu eta eraman
kalabozuan barrena,
Barbara bere itzian firme
aitak ori zuan pena.
Gobernadore batek eman du
erremateko ordena,
ezpatarekin bertan lepua
kentzia dala onena.

ZEZEN FESTA PASAIAN

Pasaiako erritik - dator notiziya
zezen bat izan dala - jeniyoz biziya:
kantatutzena nua - bixtan ikusiya
konsolatzeko triste - dagoen guziya.

Santiago eguna - Pasaiaren sinale,
allegatu ez danak - egin bezta galde;
asieran jendia - zezenaren alde
azkenian etziran - arrimatu zale.

Torillotik atera - zuten lendabizi
bei zat bat gidariya - bandera ta guzi
arrapatzet zuena - purrukatzeten asi,
azkenian kanpora - plazatik igesi.

IYA GURIAK EGIN

Iya guriak egin du
ba-degu zenek agindu
ez oraindik umildu
alkarrengana bildu,
gerra nai duan guziya,
berari kendu biziya.

Ez naiz ni gerraren zale
baizik pakearen alde
zenek nai duen galde
berari tira dale,
bala bat sartu buruan
aspertuko da orduan.

Gura iru probintzi
lengo legerik ez utzi
oyeru firme eutsi
naiz anka bana autzi,
jayoko dira berriyak
gu gera Euskal-Errriyak.

IPARRAGUIRRE ABILLA DELA

Iparraguirre abilla dela
askori diot aditzen
eskola ona eta musika
ori oiekin serbitzen.
Ni ez nazu ibiltzen
kantuz dirua biltzen
komediante moduan
de balde festa preparatzendet
gogoa dedan orduan.

Eskola ona eta musika
bertsolaria gañera
gu ere zerbait izango gera
orla ornitzen bi gera.
Atoz gure kalera
baserriar legera
musika oiek utzi ta
Errenterian bizi naiz eta
egin zaidazu bisita.

ERESBIL



1036811

G13-0851

45 r. p. n.



F.M.-68-543

DISTRIBUIDORA DEL PAIS VASCO

Grupo Arévalo - Txomin-enea (Barrio de Loyola)

SAN SEBASTIAN

Impreso por Ind. Gráf. Alverde, S. A. - San Sebastián

Depósito legal: S. S. - 565 - 70